

十九、杂记

（一）双井记

井以待人之汲也，所在皆是，何足异，异其为双井也。世有一区而数井，一井而数垣，未闻有异之者。双井奚异乎？异其为吾黄氏之双井也。夫双井之区自宋以来叠产名贤，徧达於缙绅，错见于书史。孰不知其异而要，未知其所以异也。其所以异者何？异其在修水之中有二石垣，泉源涌出尘垢不能污，沙积不能蔽，朗然如两玉环隐露于水中，此其所以异也。匪特他都人士不及知，即生是邑者偶见于吟詠亦未遑探索。舟子渔人间有能探索而不知好，无怪乎双井之异之真之所以不出也。昔苏髯翁闻石钟山之奇，初得酈元之说而不信，继得李渤之说而益疑，必待泊舟绝壁，夜央风作，巨浪与石罅相吞吐，然后

得其噌吰之韵，窈坎鏜鞳之音，而石钟山之真始出。古人之不苟于辩物有如此。嗟呼！双井并列于水中不知几历年世矣。至吾黄氏而其名始著，则知地以人传，非其人而仍不传，独石钟山也欤哉！

东台由鲁氏撰

（二）白龟池记

州治西十里许有池，曰白龟。昔余贍祖尹分宁，命仆牧马于其地，见一白龟光润如玉。将捕之，龟疾走入穴不可得。仆插策为表，忙归告公。公至池边，见策已吐花。公知其异，乃祷曰：果属其缘，乞花谢。花如公言。遂葬马鞍郡君刘氏于其地，累世显荣，亦可知地之钟灵非偶然矣。窃思天生品汇，人灵而物蠢，孰知物中有倍灵于人者，何造化之不可测耶？然龟固灵，而非概灵也。盖必历之千岁而后灵。其灵亦非概施也，则必积德累仁而龟特为之灵，卜地以施报耳。不然，昔毛宝所市而放者亦白龟，非宝之德，龟即灵讎，能知宝战北于何地？堕水于何时？一一不爽而救之哉。是龟固灵，宝亦盛德士，故能获龟之报耳。今吾祖妣享此佳城，非甚盛德亦安能致白龟之指示哉！

（三）九峰老祠迁移记

礼曰：别子为祖，继别为宗。此子若孙所以纘承勿替也。古者自大夫以上得立家庙以薦馨香，士庶人亦必立宗堂以序昭穆。族之有祠由来尚矣。顾创立有年，倾圯之患势所必。至则恢张先绪更立远模者不得不急起而图之矣。我九峰始迁祖朝汶公为山谷公曾孙，由江西宁州迁居来此，椒衍颀绵。于乾隆戊午始建祠宇，九峰山麓之幡表，距今百五十年。代远年湮，未免椽摧桷蠹，兼之堂非善地，不足以妥先灵岁丁亥族达咨商改造，询谋僉同，乃卜基故址之上，曰天心塘者，信乎钟灵毓秀之区，抑亦发祥启瑞之所也。经之营之，越戊子冬功始竣。所费不貲，不得已筹之族中之强有力者并外房。朝桂朝政两公苗裔亦乐为捐输，以葺厥成而力役之征惟近族焉。是非尊祖故敬

宗，敬宗故收族者邪！於戏！我汶公子孙散处各州郡县涣散极矣，然群策群力卒成此举又极之矣。朝桂朝政两公子孙亦与为协助，则孝弟之心、守望之义其有不油然而兴邪！而所谓丕振家声增其式廊，以光先人之令绪可责之左卷也。兹祠宇既成，谨叙其始末，以垂不朽云。

裔孙功南志堂氏记

（四）朝汶公祠记

念夫人必有祖，宗必有庙，创修祠宇报本返始之心，尊祖敬宗之意实寓于此。然有肇建者作於前，尤赖缮修者继于后。徙守旧制莫屡增新，久经风雨其不至于倾圯者凡希矣。

我祖朝汶公乃山谷之裔孙。由宁州双井始迁于九峰，拓基立业貽厥子孙。厥后椒衍瓜绵，星罗棋布。而祠宇之建询谋僉同。乾隆戊午我族人密居桑梓者聿捐其址，咸输以金，经营谋度翕然创业焉。斯时也，乃堂虽构，室府未修。越戊寅，有祯亚英松林诸君复叙族众，协力同心以葺乃事。而且量力捐输以供禋祠，我居近地者与焉。然土木之工举兴两次，规模尚属促狭。族长老成以为堂室未隆，庭阶未崇，犹未足以妥先灵。至壬辰岁，叔曾祖能升公同族良佐富有亚英启元位林席上有德松林召周中立诸君定其议，即董其事。丹楹刻桷上续宗堂

以奉神，画阁雕甍外架歌台以娱祖，易其横居建以廊屋。勤勤恳恳，两更寒暑而功始竣。自时厥后，我族内守祀九峰捐田者愈多，即散他乡输金者亦复不少。是祠所以棲祖宗之神，而敬宗收族尤寓雅意焉。抑又闻之莫为之前虽美弗彰，莫为之后虽盛弗传。历年既久，瓦桷摧残楣楹剥蚀势，必重加补葺，乃于道光辛丑族尊光耀元旦桦芳起仁暨族兄灿辉有朝任重秉吾族达喜亭从缮完之，严君曙斋共亲谋度之劳，晨入昏出，沐雨披星，凡百所需各取携于家以期济事，竭精尽慎克一乃心未备者，续修之规模廓然大，敝坏者整饰之，栋宇焕然，新撰以对匾益致尊严，增以祀田愈图丰洁，其功于兹不益大乎！於戏！庙貌常新，灵爽之凭依罔恫罔怨，田畴日辟后人之祀典，不怠不踈，惟原继起者守法先人，力敦孝弟，念创业之维艰，各抒葛藟庇根之意，世世勿替也。爰是镌图以昭不朽，遂详述修祠之事以记之。

咸丰六年丙辰夏四月

裔孙发珍聘吾谨识

（五）伯祥新修支祠记

伯祥之为族自明洪武始。我十六世祖益秀公自平江九峰迁此，至伯祥公而始大，故以伯祥名族。而谱之所载则实祖益秀之祖思礼公也，后人因之以纪。所自今五百数十年矣。夫有族必有祖，有祖必有祠。此《礼》所谓将营宫室必先寢庙者也。我伯祥虽清光绪庚寅与伏太共建宗祠。第以过远殊少忤慢难必，子孙祭不欲疏。民国十八年合族人士度土井门西偏筑堂一所，以奉祀事。倡之者静菴及余父静余雨公。襄之者竹秋珀珊秀山行有诸公。余亦忝愿其事。询谋之始，族志虽同，但所需遇钜支付维艰，经之营之几历春秋，民国十六年以复正团所分社各二百石，本公所售荷盘铺谷百石，暨仲瑞校新募学款谷数十石参互用之，并照户徵工募集树木，而于右厢另築教室一所，俾族

中子弟有所教养。自是先人神灵未妥者安，后人心思未安者慰。抑吾闻之水非水不续，人非人不承。又韩子云莫为之前虽美而不彰，莫为之后虽盛而不传。是祠也，规模粗具黜陟未兴，间架虽存百端待理，其所以卒前勤惩后荒，在后之人尚师志事，庶寝庙常新灵，爽凭依是。赖厅堂日辟，后人祀典不忘我伯祥黄氏之兴其未艾也。

民国二十四年乙亥冬

裔孙澄清畅安氏撰

（六）堰门黄发展变迁记

孟八思礼居九峰传至仲端伯祥公，拓基创业六十八，三公鼎立人丁发文。旭迁居堰门黄，传至八代成四房。大房南派世系尽，二房兴发人茂盛，三公房族永昌荣，四房八公大兴隆。一九四九年解放，人民跟随共产党。时至一九五九年修建水库，大变迁大办农业兴水利，堰门正在大堤边，港田屋基都淹尽，大夥才往四处搬。南应祖孙溪墩余湘启五代刘文川；湘与爹孙新易方湘小四代月形庄，甲过安居观头陈；三家落户光明村；安家落户住得稀，荆洲岳阳城陵矶。老屋浸水搬上山，茶园豪园张塘湾，淹了良田二百亩，祖坟老业和菜园。一百九十男女丁，斟换新居家业兴。大中专文凭廿几，品位高低在公庭。江夏堂上祖德大，后辈修谱得分明。搭帮中国共产党，十修宗谱胜利成。

辛未岁堰门裔孙甲和志

（七）伏太祠堂记

宗庙之礼所以序昭穆也。无宗庙则先祖之精神涣散，灵爽无依。孝子慈孙其能晏然矣乎？故圣人治天下，万法未立万几未定，首以宗庙为先务，其寓报本反始之心，尊祖敬宗之意于此者深且远也。我族发源九峰，厥后迁桥门三关白羊冲花果园伏龙坡伏龙坳万枫桥诸门绵系文佳公之支流，星晨二公之苗裔也。人丁蕃衍宗庙宜修。清光绪戊子桥门朗山公公合各门耆老为修祠计。越明年己丑，桥门聿捐厥址经费支绌，各门乐为捐助经营谋度寢庙斯成。遂以伏太名祠。因其地也然。族中耆老犹以狭小不足以奉明祀，协力同心续为构造。丹楹刻桷画阁雕甍，祠中之大观备焉。且庭中之树郁郁苍苍，干霄蔽日萋萋葦葦，凤棲鸾，惟翼世世子孙念先人创业艰难栽培辛苦，无使倾颓摧

萎。则我江夏黄氏保世滋大于兹土，其无既乎。

民国十九年价置伏太私构本祠东边横堂一只，计大小房屋八间，
本祠永远管业

民国二十二年捐与九峯老祠祀田三斗计租七石五斗，该祠不得变
卖，我祠子孙每年与祭时应监视管理。

裔孙长器剑农氏谨撰

（八）伏太门变迁略记

吾始祖陆终公受姓传六十三世祖伏太公，讳福考。于明初洪武年间由潼溪迁居桥门、即伏太门。所谓桥门，因有关公桥、玉带水、青龙山、白虎嘴、狮子坐、象鼻嘴，处处栩栩如生而得名。原来的桥北铺素有小汉口之称，且四面环山，又谓盆形。如今铁山南灌绕村而过。拙联概曰：左青龙右白虎狮象把门吉祥地，前银溪后铁水玉带绕村聚宝盆。伏太宗祠雄伟壮观，建于清朝毁于日寇。蒙祖宗荫德，五个多世纪以来繁衍二十余代，今十修所叙人丁共一千六百多名，其中仕六公之孟贵思炜房山上黄包括湖头庙七十多，仕七公之孟成思炆长房枫梓塘包括罗内近三百人，思炆次房道成房包括崩塍冲三百余人，孟成思荣长房新房包括木连墩四百多人，思荣次房元塍包括月形塍二

百多人，思荣之细房包括唐裕里二百多人。

五百多年来迁往异乡的桥门后裔遍及九州。概有道成房七六世金字派祖珍鼎贤达适突六公，七七世枝派祖先伦恺俊杰伯位佐文武太盛立灿晶十四公，七八世衍申会二公共三代二十二公，分三次于清康熙乾隆年间迁四川竹圻等县。据传西蜀桥门子孙人丁已逾四百，清官轿达四十八项之多。另外各房迁往湖北蒲圻监利公安石首及贵州蜀地陕西新疆及本省市县等各处桥门子孙估计八百多人，连异乡计算现桥门子孙共二千五百多人。

伏太子孙效法先祖勤耕苦读之根本，奋发上进。十修之内出类拔萃者居多，皆成为国家有用之才，如侯补中央委员上海市市长侯选人中国船舶工业公司总经理萃功，湖南医大副校长医管教授全江，株洲市市常委教委主任南生，长沙政协委员体育场场长体校校长足协主席萃炎，岳阳军分区政治部主任少校团长军建，国民党宪兵团长利凡、

文武二公等。还有其他如总工程师工程师教授讲师硕士研究生文学艺术能人科技人才与县团区乡要职领导及其各界高中级知识分子等等，共达二百六十多人。基此足征我列祖列宗之世泽绵亘于无既也。盼吾伏太子孙后来居上代胜一代。

伏太桥门八三世裔孙全余顿首拜撰

（九）稻田崇高公祠记

仁人饗帝，孝子饗亲。盖不外报本反始因时致祭之义然。饗帝饗亲固仁人孝子之用心，苟营宫室而置宗庙于勿顾，神将依于何所？此自古建寝庙于墓所而祠庙之制由是兴焉。溯予远祖山谷公，发迹江夏蕃衍分宁，至朝汶公由江右迁九峰，散处潼溪伏太双石伯祥等处，文人蔚起祠宇廓然。惟我房支祖崇高公迁稻田，虽与潼溪共建宗祠，究于本房支祠尚属阙如。二三先辈虽早擬建修，奈因故中止。迨民国庚申詠山次安二公暨予先父时若公复兴建祠之议，乃糾族众戮力同心，就原有公馆而扩大之。越明年，予二兄善愚复从事续修，经之营之臻于至善，于是崇高公之支祠大观粗备，而列宗列祖有所凭依，裔孙等亦得肃以迎神恭以致享。猗欤！我祖其必陟降庭止，享千秋俎豆于勿

替矣。且祠址前帶沙河后，祖香山山川毓秀，將見地氣鍾靈而先人庇佑。俾我子孫而燦而昌，家聲丕振未有艾也。特志之以俟后之修葺宗廟者。

民國二十四年乙亥冬月中浣

（十）世隆公祖祠记

康熙五十九年秋，叔祖子魁，伯父寄公倡修祖堂，予居父丧，力有未及。二大人嘱予顶股，予思祖堂先人之所式凭也，因李贼兵燹通邑，祖堂少存焉。今二大人独存美举，予虽家贫何敢因赀财而薄祖乎。二公遂鳩工召匠，立丑未向，伐后山树木起造而鼎新之。其堂一栋四壁砖木系属公造，而东西正房厢房系魁公伯仲之私业，同时而共建焉。公费五十余金，而落成之翼翼然而仑奐矣。惟四龕未修，在后无复有议及之者。予因糊口四方不能为之领袖。呜呼！堂之建今二十六年，不见有奉一主执一鸡以祀我祖先者，能不抚膺太息哉。而诸子孙各奉祀于私室未有祀及祖堂者。余思未建之先，尚有倡立之公愤，既建之后不惟俎豆不设反悔从前经营之徒劳噫。甚至日久而名实两忘

矣。因为之记，愿后有继志述事者可因旧制而更新之，尤余之所厚望也夫。

世隆门裔孙尤星氏撰

（十一）、孟达思修房世隆门发展变革记

泽绍汪洋源远流长知有本，家传绫子支分派别尽朝宗。中华民族皆黄帝后裔，是谓炎黄子孙。自姬周别姓黄氏，溯源有载自陆终。我房始祖思修公之子宗兴，系六十七世曾祖。万二公生福正、福敛，由潼溪迁伏龙坡。宗兴公于明万历卜居花果园东岳，以公字名村即黄世隆。经四朝传二十世，蕃衍子孙近五百，遍及黔湘鄂。达才公等六户三十余丁迁居君山农场。萃定联琛公等十五户六十余人住岳阳市。联玮联庭二公居湖滨园艺场。联珍公迁居贵州安顺市。计生公迁湖北调关。柏秋公等居荣湾镇。璧巨公居本村。余千金珍园其正二公子孙迁住朱山嘴，实住本门令半。前因原谱有失，世隆前后无考核，清康熙修谱时金星文光公亲搜全房，生歿用心亦勤且苦，大有功于宗祖。

耕读乃传家至宝，我祖宗以读为先。宗兴公之子复皇柳溪皆明儒学贡生，七世孙秉忠公明江防道吏，金祥公为清乾隆湖北巡检。祖德流芳贻谋于后。是以后辈萃定公历任乡区县市要职，清正廉明。金吾联璋公等执教四十余载，桃李满天下。益雄公书法名闻全县。尤以公元戊午恢复高考制度的近十年中，大学中专毕业生有二十四人，遍及政医工教金融各界。联荣公理学硕士，浑保公大学副教授，联扣小铁叔侄医术高明，为祖国为人民勤勤恳恳地工作在自己的岗位上，默默地作出无私奉献，为振兴中华而尽责，为祖先而争光。

国以农为本，民以食天。我们祖祖辈辈以桑田为生。先人卜居以来，开阡陌垦荒山为子孙创建养生之业。由于历史条件局限，遵循守旧生产发展缓慢，后裔以祖之遗业为本，集力改造生产条件，投资农田基本建设。世隆堰历代以土沙阻塞，遇洪即垮，既耗力又无灌溉效益。公元壬寅废良田十数亩始建土石坝，扩大蓄水面积，但质量欠

佳。公元庚午重建石坝。两次修建共集资陆千余元，同时群策群力修竹荃荷叶二塘。经廿余载的努力，改港道、开渠沟、辟冷浸、植树木，为子孙造田园之业。为了维护族中尊严，十修宗谱之年添置桌凳三十，套配有乐器龙杠等器具，保族中婚丧事不向外族租用。并重修动乱之际所毁之古蹟三所，为后辈子孙遵祖艰苦创业精神，学先人美德发扬光大门庭，为祖国作出自己的贡献。

（十二）黄珍塍山上门变迁记

我始祖思盛公自潼溪锹塘迁居十步桥，即今之山上黄珍是也。凡四传至仲一仲二公，一居山上即钊公，仲二公居黄珍即浩公。子孙繁衍盛极一时，传十四世山上门钊公之裔止，即以我浩公子孙继承，今之山上门皆我浩公嗣也。

究其源流我祖系宋之庭坚公长子相之苗裔，相生熙，熙生朝汶，汶之四子文欣公即景公，上四代之祖，而孟续公则为景公以下五世孙。我黄珍门始迁祖思盛公、上街思明公俱孟公之子也。经十修始克拜清我祖之来龙去脉，以是知敬宗收族之必要，正本清源之可贵耳。书此以示我后世子孙，知修谱之重要不致守典而忘祖也。

（十三）双石黄记

距予家数武有双石焉。俗云金不换，并传有石姑神司其事，甚验，乡邦妇孺咸走拜之。余固未敢信也。但磐磐巨石迹甚奇异，突起平地而大如箕坐。子午位，东西分阴阳，配奇偶，盖不知何年天上所坠。双星抑由地设而然。石傍古树一株，根伴石生，幹二丈许。苍藤绕之浓阴蔽日。树下一池清鉴，眉发游其中者不啻别右有洞天。故当时名人题有双石联辉一幅。『画图环地，胜大峰屹立万年，文笔插天空』之句，其名胜可知矣。噫！昔女娲鍊石补天，精卫啣石塞海，固均以石补天地间缺陷也。石之关于天地造化岂偶然哉。方今环球鼎沸，华夏不宁缺在人心陷在人心，安知我地双石又不可补救人心缺陷于尤一耶。昔张子房受书黄石而勋业烂然，是古仅其一今而双焉。其

必有继黄石公而起者又可知也。予始祖双溪公自明季卜居斯土，双石黄遂由此著。适兴予分宁双井，同一名勝因并传之，深望我地孙子一秉石公策略，挽狂澜于既倒，砥柱中流奠国家之未安，运筹帷屋为黄人光、为双石著。庶名不虚传而地灵人杰也乎。

民国二十四年乙亥季秋月 双石黄 梁梦醒氏志

（十四）先府君谿阶公虎形坟山记

祖平邑幕阜山脉来高出云际，东联天岳西望湖湘者大峰山也。祖大峰山脉来突超一支，昂然耸伏者官冲陈姓屋后山也。山原不知何名，因形状似虎故俗名虎形。其前横列一艮似此山踊跃欲跳者，故俗又名猛虎跳艮云。予先府君谿阶公母钟孺人卜吉于中嘴下俯清溪。溪边一塘大数亩，旧名余家大塘，位居水口吞吐溪水，水色碧绿而晶晶可爱，游鱼梭织其中，乐山水者咸游玩焉。予先府君性爱山水而实非勘舆家，尝因钓鱼于此而悟此山之中嘴似非寻常者，以故价置于民国壬子而营生圻焉。山左右坡均系陈姓坟山，陈黄两姓订有合同，封禁不准进葬截脉，侵害尔我无虞，不外尊祖意也。噫！山之似虎非虎览者自能知之，有灵无灵余固不敢妄冀。但坟独葬于山之左右而独不葬

于中咀，予先府君又不假堪輿家而得，是岂漆灯有待者耶。余谨志之以质后之登斯陇者。

民国二十四年乙亥仲冬月下浣

男甲深梦醒氏谨志

（十五）万石湖记

万石湖乃洞庭分流之一小杈也。水汎，则西通江漾远，帆绘鸟鹤之飞楼，东接山阴外，浪似虎狼之昂伏，南九马，北三鸡，承长江之支注。商贾得便利交通，避转嘴之狂澜，航艘頼安然停泊。鼓柁歌声浑争戏曲，秋夏之间晨昏不绝。洞庭柳仙之行宫矗立湖口，巍巍庙貌，壮迁客之瞻观；灿灿湖光，助骚人之吟咏。水涸也，两岸毗连。十姓林处犬吠相闻，牛来共牧。横牛笛谱，风送无腔渔父；罢张淤流，可节绿草柔浓。迎踏铺翠毡，一幅青山崩洗；对方挂朱幕，双帷辽阔坦平。原名万石，斜横迴曲，转进多湾。我祖益昌公避洪武兵变，择湖东进口卜埆右爰居安，非就出入之无难，乐风景之可掬而宅兹耶。今届家乘九修，用是详记，窃以追念先世之貽谋绵泽，尤望启

发后人之蒙荫回思，努力读耕，留心领略焉。为记。

民国二十四年乙亥冬中浣

黄梅阴湘氏撰

（十六）潼溪巷门十修纪实

自陆终公受姓以来子，孙繁衍代有贤人。如战国春申君、东汉文彊公，后宋文节公与三苏齐名，传子二，汗公传朝卜公，相公传朝汶公。玄孙星公子丙阳、丙升公居伏太，阳公居潼溪中市。所谓潼溪有三桥九井，西水东流，即此之谓也。阳公之孙福幸、福九。九居一都，幸公五子仍往中市兴门厅。曾孙思清公之孙益达移居巷门，当时兴门厅铺面一栋、墓地一块均由巷门管理，其曾孙志仁、志位。位迁十三都土鸡冲，仁公曾孙绣常继承有子四，存三现巷门三房是也。民国九修男丁一百六十三，湖北监利未叙。十修男丁四百三十二。至于迁散外地者，有西蜀宁国府太平县沅江华容湘阴平江南岗桥等。

辛未季春平江九峰总祠发启十修。漱泉、伟生二老蒞潼溪，因修谱事于仆家下榻一晚，阐明其修谱之意义。仆虽逾耄年，欣然走告各

房长，商定四月十一前往九峰开会，当选人甲兰樵夫明祥焱辉我等。去九峰会期两天，回潼溪后无从着手，因九修谱距今有五十七年。抗日战争烽烟四起，转徙流离损失殆尽。赖尺瑚门中保君慷慨捐路费向外房找谱。甲兰明祥文波我四人去鹿角黄茅港得八九修谱一部份，至黄锡年万石湖和树梅君联系后，五月初六又去伏太发丁君找谱一部份。当时双方约定于五月十六在潼溪召开各房会议，由发丁君负责伏太祠各房，仆负责潼溪祠。各地如鹿角、岳阳风桥湖、七里山、风雨山、漆家埠、黄才伯、黄珍墩等处五月初九亲自通知。各房为了加强谱局力量，潼溪选淑斌、伏太发丁二君主持。三次大会各房族代表全部参加，决定两祠合并以潼溪为修谱点。仆已老迈、文化浅薄，虽有一片热忱奈力不从心笔难表白奉献无多，谨告我后裔永远勿忘敬宗收族、本本水源之义。聊缀数语以示勿援。

巷门仕综裔孙晓安氏撰

（十七）爱我宗族

既爱我祖国	更爱吾祖宗	仰瞻老祖辈	始祖字陆终
先居浙江地	金华县境中	轩辕赐圣旨	恩将黄姓封
四七世祖先	迁居赣水东	江西修水县	西塘双井村
五十五世祖	又迁至九峰	朝汶公之后	再迁我巴陵
繁衍九十代	岁越两千零	黄姓遍天下	中华前七名
祖德培豪杰	宗功照后人	名人代代出	立于民族中
战国四君子	首为春申公	文有庭坚出	武有老黄忠
天下无双孝	江夏我香公	九子十尚书	是我元仕公
还有黄秀公	天子把师尊	如今盛世中	金榜现麒麟
就我黄族中	中央亦有人	博士研究生	更有许多名

凝旭黄进保 有类文曲星 只有十三岁 中专点头名
忠孝仁义礼 先祖铸灵魂 谦谨勤俭奋 祖传之精英
自立和互助 体现我门风 祖宗功和德 一一颂不清
希望我后辈 业绩永继承 值此十修谱 聊表余心情

辛未仲冬

伏太门八三世裔孙全余敬撰

（十八）十修咏双石七言律诗

双石生辉世代雄 天然瑞气荫吾宗
人才辈出鱼生角 志士联翩马化龙
甲第簪缨绵世泽 子孙繁衍更昌隆
纵然两石俱亡却 福及人民盛世中
解放后两石炸毁有感七律两首

双星何事谪人间 阅尽沧桑历尽艰
只为人民歌盛世 敢辞躯壳献尘寰
建成渠泮环坡转 灌溉田园走陌阡
此日得为民利福 强于久卧古荒滩
其二

只为无才去补天 双双落拓几多年

人民壮志填山海 马列英明改自然
顽石不教成睡汉 荒滩未许再长眼
躬逢盛世将身献 赢得芳名万古传
咏礼堂学校七律一首

飞阁齐檐彩色装 墙垣围绕四周方
铁门金锁风难过 朱户银窗雪不凉
园中桃李开今日 花下芙蓉比昔香
文娱活动身心健 美景依稀类苏杭
咏九峰山七律一首

风雨名山气象雄 万年文笔扞天空
东连子午千重秀 西望湖山万顷红
彩雾朝霞长掩映 大仙妙手显神通
登峰四顾君嵐小 梓宅居然在此中

一九九一年辛未岁冬月吉日

中祥青云谨撰

（十九）十修跋

节序飞流，驹光如矢。十修宗谱瞬届一年，其中历倡修发启，寻谱造稿，联络订约，设局付梓诸端诚所谓千头万绪。而其首要则以发启倡修之漱泉伟生暨九峰总祠诸公。其次则以伏太之发丁潼溪之小安二公，积极行动觅谱。幸赖唐家山元塆黄茅港等房保管得力，八九两修始获全璧。尔后三次大会于潼溪，集三十一房之盈数人口于一堂，淑滨发丁二公主持局务。五月既望，首以苏氏起草，嗣以欧氏定稿，凡三易始成。罗汉君介绍谱工曾两改合同，三延印期，再更局址，盖其多方客观条件所致耳文。谱编纂分两卷首，上下别之。以发丁中岳宗祥樵夫庆成仆等组成谱编组，为时半月有奇，文稿粗具雏形。为节约经费，完善十修，精简谱局人事整理与校对仅以一人。局址原设元胜公宅，胜公二老接待热情不厌其烦。谱局对稿坐局人等寓小安公

家，和民夫妇热情慷慨从无怨意。为时半年，嗣因形势关系局址转港门尧夫庄，余三爹等接待殷勤，积极支持局中用具，其子媳个个热情。至于联系局务安排布置及接待人事往来，则以淑滨公主持，爱初公间相协助。先是潼溪发启寻谱，甲兰君欣然景从，而尺瑚之中保君主动解囊，书记卫兵君乐为鼓励与勸助，本届修谱工作藉以顺利进行。财务管理以美光公提保正兴诸君，其中以提宝收付款项接待人事为多。往来联系首推黄丰，而联贵公与焉。造稿最力者以中岳樵夫联常菊芳庆成承启名祥克贤全余芬柏诸公。本届添制全县各房住址图，联常公制潼溪住宅全图，樵夫公绘。十修家训发丁公起草，谱局整理凡例派行咸与九峰统一。梓工姜庭芳君积极负责，字迹工整明显、大小适中、装订雅观。总之十修谱牒赖改革开放之盛世，列祖列宗之福荫，群策群力之结晶。进局仅半载，即胜利完成。本届全部剞劂工程，仆以樗栎菲才、桑榆暮境，谬承厚谊、膺兹编纂重任。自知乖迂

之处在所难免，深望我各房父老俯赐鉴谅予以正。是又幸焉。

十修感怀

荣承族谊任编修 自愧无才马作牛

笔砚久荒疏句读 田畴相伴几春秋

敬宗收族原吾愿 启后承先有志求

报本敢忘豹獭谊 党恩祖德两悠悠

一九九二年壬申仲夏 万石湖房八十五世裔孙洁身氏谨志

（二十）总编树梅先生赞

赞曰：

毫不利己克己奉公
勤劳正直学问亨通
和邻睦族德昭高风
一族知名赤胆心红
十修谱局敬撰